



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

23 հունիսի 2022 թվականի N 940-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ
ՆՈՅՆԵՄԲԵՐԻ 16-Ի N 1708-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 33-րդ և 34-րդ հոդվածների դրույթներով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2006 թվականի նոյեմբերի 16-ի «Հայաստանի Հանրապետության պետական բյուջեից համայնքներին սուբվենցիաների տրամադրման կարգը հաստատելու մասին» N 1708-Ն որոշման մեջ կատարել հետևյալ փոփոխությունները և լրացումները՝

1) որոշման N 2 հավելվածի՝

ա. 4-րդ կետում «ընթացիկ տարվա փետրվարի 2-ը» բառերը փոխարինել «ծրագրի իրականացման տարվան նախորդող տարվա հուլիսի 10-ը» բառերով,

բ. 5-րդ կետում «ընթացիկ տարվա փետրվարի 5-ը» բառերը փոխարինել «ծրագրի իրականացման տարվան նախորդող տարվա հուլիսի 15-ը» բառերով,

գ. 10-րդ կետում «ընթացիկ տարվա հունիսի 17-ը» բառերը փոխարինել «ծրագրի իրականացման տարվան նախորդող տարվա նոյեմբերի 25-ը» բառերով,

դ. 11-րդ կետում «ընթացիկ տարվա հունիսի 20-ը» բառերը փոխարինել «ծրագրի իրականացման տարվան նախորդող տարվա նոյեմբերի 30-ը» բառերով,

ե. 12-րդ կետի 5-րդ ենթակետի «ա» պարբերությունից հանել «և (կամ) «Գնումների մասին» Հայաստանի Հանրապետության օրենքի 15-րդ հոդվածի 6-րդ մասի համաձայն կազմակերպված մրցույթի արդյունքում կնքված պայմանագիրը» բառերը, 7-րդ ենթակետում «նախատեսված» բառը փոխարինել «նախատեսվող» բառով, և կետը լրացնել նոր՝ հետևյալ բովանդակությամբ 7.1-ին ենթակետով՝

«7.1) քաղվածք՝ սուբվենցիայի ծրագրի վերաբերյալ ավագանու կողմից հաստատված համայնքի միջնաժամկետ ծախսերի ծրագրից.»,

զ. 17-րդ կետում «հուլիսի 10-ը» բառերը փոխարինել «փետրվարի 2-ը» բառերով,

է. հավելվածը լրացնել նոր՝ հետևյալ բովանդակությամբ 17.1-ին կետով՝

«17.1. Սույն կարգի 4-րդ, 5-րդ, 10-րդ և 11-րդ կետերով սահմանված ժամկետներում Հայաստանի Հանրապետության օրենսդրությամբ սահմանված կարգով համայնքի ղեկավար չընտրվելու և (կամ) ավագանի չձևավորվելու դեպքերում, որպես բացառություն՝

1) սույն կարգի 4-րդ կետով սահմանված փաստաթղթերը համայնքների ղեկավարները կարող են ներկայացնել համապատասխան մարզպետարան՝ նաև մինչև ծրագրի իրականացման ընթացիկ տարվա հունվարի 30-ը.

2) սույն կարգի 5-րդ կետով սահմանված դրույթներին համապատասխան սուբվենցիայի հայտը և բնութագիրը համապատասխան մարզպետարանները կարող են նախարարություն ներկայացնել նաև մինչև ծրագրի իրականացման ընթացիկ տարվա փետրվարի 3-ը.

3) սույն կարգի 10-րդ կետով սահմանված սուբվենցիայի ամբողջական փաթեթները համայնքները կարող են համապատասխան մարզպետարաններ ներկայացնել՝ նաև մինչև ծրագրի իրականացման ընթացիկ տարվա մայիսի 25-ը.

4) սույն կարգի 11-րդ կետով սահմանված սուբվենցիայի ամբողջական փաթեթները մարզպետարանները կարող են նախարարություն ներկայացնել մինչև ծրագրի իրականացման ընթացիկ տարվա մայիսի 30-ը.

5) սույն կարգի 17-րդ կետով սահմանված հանձնաժողովի նիստերում սուրվենցիայի հայտերը կարող են քննարկվել մինչև ծրագրի իրականացման տարվա հունիսի 15-ը:»,

ը. 23-րդ կետը «ծրագիրը» բառից հետո լրացնել «կամ դրա չափաբաժինները» բառերով,

թ. 24-րդ կետում աղյուսակի «Բնակավայրի փողոցների կառուցում/տորոգում սալարկմամբ, խճապատմամբ» պարբերությունը շարադրել հետևյալ խմբագրությամբ՝

«Բնակավայրի փողոցների կառուցում/տորոգում սալարկմամբ, խճապատմամբ	50	55	60	65	70».
---	----	----	----	----	------

2) որոշման N 3 հավելվածի աղյուսակում՝

ա. «Համայնքի ընթացիկ տարվա բյուջեն» տողից հետո լրացնել հետևյալ բովանդակությամբ նոր պարբերությամբ՝

« Համայնքի միջնաժամկետ ծախսերի ծրագիրը	Հաստատված միջնաժամկետ ծախսերի ծրագրով սուրվենցիոն ծրագրի իրականացման տարվա բյուջեն՝ ... դրամ.		
	Հաստատված միջնաժամկետ ծախսերի ծրագրով սուրվենցիոն ծրագրի իրականացման տարվան հաջորդող տարվա բյուջեն՝ ... դրամ.		
	Ներկայացնել ծրագրի իրականացման և իրականացման տարվան հաջորդող տարվա միջնաժամկետ ծախսերի ծրագրով նախատեսված եկամուտները և ծախսերը՝ առանձնացնելով բյուջեի վարչական և ֆոնդային մասերը, իսկ բյուջեի ֆոնդային մասից նախատեսված ծախսերը ներկայացնել առանձին բացվածքով		
		Ծրագրի իրականացման տարի	Ծրագրի իրականացման տարվան հաջորդող տարի
	Ընդամենը՝ համայնքի բյուջեի եկամուտներ՝ ըստ հաստատված միջնաժամկետ ծախսերի ծրագրի, այդ թվում՝		
	- Վարչական բյուջեի եկամուտներ, որից՝		
	- Սեփական եկամուտներ		
	- Ֆոնդային բյուջեի եկամուտներ		
	Ընդամենը՝ համայնքի բյուջեի ծախսեր, ըստ հաստատված միջնաժամկետ ծախսերի ծրագրի, որից՝		
	- Վարչական բյուջեի ծախսեր		

	- Ֆոնդային բյուջեի ծախսեր		
	Համայնքի ֆոնդային բյուջեի ծախսերը՝ ըստ հաստատված միջնաժամկետ ծախսերի ծրագրի, որից՝		
	- ճանապարհաշինություն		
	- ջրամատակարարում		
	- փողոցային լուսավորություն		
	- գյուղատնտեսություն		
	-		
	-		
	Ենթակառուցվածքների զարգացմանն ուղղված սուբվենցիոն ծրագրերի համար նախատեսված ծախսերը, ըստ հաստատված միջնաժամկետ ծախսերի ծրագրի, այդ թվում՝ <i>հերկայացնել սուբվենցիոն ծրագրերի համար համայնքի ֆոնդային բյուջեից նախատեսված գումարները՝ ըստ ոլորտների՝</i>		
	- ճանապարհաշինություն		
	- ջրամատակարարում/ջրահեռացում		
	- փողոցային լուսավորություն		
	- գազամատակարարում		
	- նախադպրոցական հաստատություններ		
	- հասարակական շենքեր		
	- գույքի, տեխնիկայի ձեռքբերում		
	-		

»,

բ. «Համայնքի ընթացիկ տարվա բյուջեի նախագծով կանխատեսվող բյուջետային մուտքերի (ներառյալ ֆինանսական համահարթեցման դոտացիայի գծով կանխատեսվող մուտքերը) հաշվին նշված ծրագրի իրականացման անհնարինության հիմնավորումը (համապատասխան հաշվարկներով)» պարբերությունը շարադրել հետևյալ խմբագրությամբ՝

«Համայնքի ծրագրի իրականացման տարվա միջնաժամկետ ծախսերի ծրագրով նախատեսված բյուջետային մուտքերի (ներառյալ՝ ֆինանսական համահարթեցման դոտացիայի գծով նախատեսված մուտքերը) հաշվին նշված ծրագրի իրականացման անհնարինության հիմնավորումը (համապատասխան հաշվարկներով)».

3) որոշման N 4 հավելվածի աղյուսակի 18-րդ կետը շարադրել հետևյալ խմբագրությամբ՝

«18.	Ծրագրի ավարտից հետո մարզպետարանների և, ըստ անհրաժեշտության՝ նաև Նախարարության ոլորտային մասնագետների, ոլորտային գերատեսչությունների համապատասխան մասնագետների (համաձայնությամբ) կողմից իրականացվում են շահագործման հանձնված օբյեկտների, ձեռք բերված մեքենասարքավորումների, տեխնիկայի ու գույքի կիրառման ու օգտագործման մշտադիտարկման ու ծրագրի արդյունավետության գնահատման մասով այցելություններ՝ ծրագրի ավարտից հետո առաջին տարվա ընթացքում՝ տարին մեկ անգամ, այնուհետև՝ ըստ անհրաժեշտության:	Այցելության արդյունքներով գնահատված արդյունավետության կամ անարդյունավետության, ինչպես նաև շահագործման ընթացքում բացահայտվող թերությունների առկայության մասին եռօրյա ժամկետում տեղեկատվություն է ներկայացվում համապատասխան համայնքի ղեկավարին և Նախարարություն:»:
------	--	--

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան